



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1732. usque ad annum 1734

Fleury, Claude

August. Vind. [u.a.], 1785

VD18 90119339

§. 12. Novi Protestantium motus in Hungaria & Transylvania.

[urn:nbn:de:hbz:466:1-67683](https://nbn-resolving.org/urn:nbn:de:hbz:466:1-67683)

Sæc. XVIII. *ipsi admovent nocentibus manus, satis est,*
A. C. 1732. si occasione ulciscendi læsos in eos arment.

§. XII.

*Novi Protestantium motus in
 Hungaria.*

Quamvis Carolus VI. Imperator anno priori die vigesima prima Martii per suum decretum ad Protestantium in Hungaria querelas perbenigne respondisset, eisque amplam sectæ suæ libertatem concessisset, his tamen nondum contenti Calvinistæ, contra legitimum suum Principem exterorum & præprimis Helvetiorum opem implorant. Eo fine hoc anno die octava Julii Tigurini ad Fœderatos Ordines literas dederunt, in quibus exposuere, sibi certo constare, quod suæ Religionis rebus in Hungaria & Transylvania ingens immineret ruinæ periculum; Cæsarem enim ad nuperum decretum contra Protestantes edendum a Catholicis fuisse inductum, & per articulum tertium, quo *præscriptio in possessione bonorum immobilium a Joannis Regis regimine nulla declararetur*, extremum Ecclesiis parari excidium, se quidem pro conservanda Religionis suæ libertate, Cæsarem efflictim rogasse, nihil tamen profecisse, nullum ergo eorum calamitatibus

tatibus magis efficax opponi posse re-
 medium, quam potentissimorum Pro-
 testantium Principum deprecationem,
 hos vero privatas ob causas Cæsaris
 solium accedere esse præpeditos, ea-
 propter rogare se, ut suo in Aula Cæ-
 sareæ Administro injungerent, quate-
 nus gravibus rationum momentis rem
 eo inducere velit, ut Calvinistæ in
 Hungaria & Transylvania suis liberta-
 tibus juribusque frui permetterentur
 &c. His literis permoti Ordines Fœ-
 derati die vigesima quinta ejusdem
 Mensis Hamelio Bruynix Hollandico
 apud Cæsarem Oratori injunxere, ut
 cum reliquorum Principum Protestan-
 tium Ministris Viennæ ageret, qua ra-
 tione Hungaris & Transylvanis Cal-
 vinistis per Ordinum intercessionem
 succurri posset. Haud absimiles literas
 Tigurini etiam ad Fridericum Guiliel-
 mum Borussiae Regem dedere, qui eis
 quoque die vigesima nona Julii rescri-
 psit, sibi probari eorum sollicitudinem
 pro conservanda re Evangelica, se quo-
 que jamjam decrevisse, non modo af-
 flictas Hungarorum res Cæsari expo-
 nere, sed etiam cum ceteris Evange-
 licis Principibus desuper consilium inire,
 nec etiam dubitare se, quin Cæsaris
 animus aliunde ad miserationem &
 clementiam propensissimus oppressis

Sæc. XVIII.
 A. C. 1732.

Sæc. XVIII Religionis suæ focus validam opem
 A.C. 1732. præstiturus esset.

Non minus ad Helvetiorum vota
 benigne annuit Georgius Angliæ Rex,
 qui ex Palatio suo Herrenhusano die
 duodecima Augusti ad illos has dedit
 literas: *Illustres, atque amplissimi Do-*
mini, Amici nostri carissimi! Accepi-
 mus literas vestras die mensis Julii
 novissime præterlapsi communi vestro
 Nomine scriptas, ex iisque animad-
 vertimus, quanta cum sollicitudine
 rebus *Ecclesiarum in Hungaria & Transil-*
vania Reformatarum invigiletis. Pie-
 tatem equidem vestram & *afflictorum*
Protestantium Commiserationem plu-
 rimam laudamus. Et nos quoque
 tristi dictarum Ecclesiarum statu per-
 moti, earumque iustis querelis sol-
 tium, quantum in nobis est affere-
 cupientes, Ministro nostro plenipoten-
 tiario in Aula Cæsarea degenti, in
 mandatis dedimus, ut operam con-
 ferat enixissimam, quo Immunitates
 & Privilegia antiqua hisce Ecclesiis
 sine labe conserventur. Speramus
 que, quod Majestas S.Cæs. & Catho-
 lica pro summa sua æquitate & Cle-
 mentia subditorum etiam *Protestantium*
 sine ulla sua culpa male habitorum
 Supplicationes benigne exaudiri haud
 dedignabitur, de cætero autem vos

„ve

„vestraque omnia divini Nominis Tu- Sæc. XVIII.
 „telæ ex animo commendamus.“ A. C. 1732.

§. XIII.

*Prætensa Religionis gravamina Ra-
 tisbonæ in comitiis ab Hungaris
 Protestantibus insinuata.*

Horum Principum patrocínio auda-
 ciores facti Protestantes in Hun-
 garia & Transylvania agentes, ut ju-
 stam querulandi causam habere viderentur,
 undecim Religionis gravamina excogitarunt,
 eaque in comitiis Ratisbonensibus clam
 insinuarunt. Querebantur ergo I. in Isenacensi
 Comitatu quadraginta quatuor (*) Tempa eis
 fuisse erepta; nempe Catholici sibi injuste
 ablata repetebant. II. Die vigesima quarta
 Maij hoc anno Voigtum Prædicantem Chemniti
 defunctum fuisse, nec tamen adhuc eidem alium
 fuisse subrogatum, frustra id Viennæ petentibus
 Calvinistis. III. Leutschavix Fahn Schmidtio &
 Antonio Chetrio Superintendentibus interdicta
 esse officia Consistorialia & ordinationes.

Vid. p. 28.

D 4

IV.

(*) Quidam Lutheranus in sua demonstratione
 contra Jablonsky Epistolam Apol. ait, quod Calvinistæ
 Lutheranis bis mille Ecclesias subripuerint. Et tamen
 hi silent.